

## II - ARABAKO LURRALDE HISTORIKOAREN TOKI ADMINISTRAZIOA

### ARRAIA-MAEZTUKO UDALA

#### 2021/2022 ikasturtean euskara ikasteko beka deialdia

Udal honek, urriaren 5ean egindako bilkuran, 2021/2022 ikasturtean euskara ikasteko beken deialdiaren oinarriak onartu zituen.

Diru-laguntzei buruzko azaroaren 17ko 38/2003 Lege Orokorraren 9. artikuluan xedatutakoarekin bat etorritik, lege hori argitaratzen da:

#### 2021/2022 Ikasturtean euskara ikasteko beka deialdiaren oinarriak

1. Helburua eta araubidea: 2021eko urriari hasi eta 2022ko irailean amaituko den ikasturtean euskara ikasketak egiten laguntzeko beka ematea, bai eta udako ikastaroak eta barnetegiak egiteko ere (joan-etorrietarako gastuak ez dira sartzen, ez eta mantenua eta ostatua ere barnetegiara joanez gero).

Eskabide kopurua eta jaso beharreko zenbatekoak kontuan hartuta, laguntzak emateko zenbateko osoak aurrekontu-zuzkidura gainditzen bada eta, beraz, laguntzen zenbatekoa murriztu behar bada, onuradun guztientzat proportzio berean murriztuko dira laguntzak.

2. Onuradunak: euskara ikasteko beka Arraia-Maeztuko udalerrian erroldaturik dauden hamasei urte baino gehiagoko pertsona guztiek eskatu dezakete. Erroldako baldintza dagokion ikastaroa hasi baino lehenago bete behar da, eta hura iraun bitartean mantendu. Egindako ikastaro edo barnetegi adina beka eska daitezke. Matrikula egin beharko da HABEK onartutako euskaltegietakoa batean, publikoak zein pribatuak, betiere, homologarriak, edo administrazio publikoak antolatutakoetan.

Dirulaguntzen xedetik kanpo geratuko dira graduondoko ikastaroak, doktoregoak, masterrak eta karrerako ikastaroak. Era berean, ez dira diruz lagunduko Eusko Jaurlaritzako Hezkuntza Sailak araututako ikastaroak (hizkuntza eskola ofizialak, adibidez), ezta IRALE bezalako beste ezein erakundek antolatutakoak edo IVAPek parte hartzen duen ikastaroak ere.

3. Eskaerak aurkezteko epea eta tokia: eskaerak Arraia-Maeztuko udaletxean aurkeztuko dira. Era berean, Herri Administrazioen Administrazio Prozedura Erkidearen urriaren 1eko 39/2015 Legeak 16.4 artikuluan xedatutakoaren arabera ere aurkeztu ahalko dira eskabideak.

4. Beken zenbatekoa: bekaren zenbatekoa matrikula kostuaren edo ikasketa gastuen ehuneko 80 izan ahalko da, gehienez. Edonola ere, beka ezin izango da izan 500 euro baino gehiago eskatzaileko eta urteko.

Emango den laguntzaren zenbatekoa hirutara banatzen da, ikastaroaren orduen arabera:

1. 400 ordu arteko moduluak	ehuneko 60
2. 401-600 orduko moduluak	ehuneko 70
3. 601 ordu baino gehiagoko moduluak	ehuneko 80

5. Aurrekontu aplikazioa: 335 480000: sustatzea euskara ikastea. Zenbatekoa: 1.000,00 euro.

Zuzkidura hori ez bada nahikoa ordaindu beharreko guztia ordaintzeko, hainbanaketa egingo da.

6. Betekizunak: beka eskuratzeko, gutxienez, eskolen ehuneko 80ra joan dela egiaztatu beharko da edo, hala behar denean, matrikulatuta dagoen ikastaroa (edo ikastaroak) gainditu izana.

Arraia-Maeztuko Udalak egun antolatzen eta kudeatzen dituen euskara ikastaroak badaude lehendik ere diruz lagunduta; beraz, haietan parte hartzen duten ikasleek ezingo dute dirulaguntza eskaerarik aurkeztu deialdi honen harira.

7. Laguntzen bateragarritasuna: Udalaren laguntzak bateragarriak dira eskatzaileek lortzen dituzten beste guztiekin. Hala ere, onuradunak ezingo du guztira ikastaroaren matrikularen kostua baino gehiago jaso.

Onuradunak udalari jakinarazi beharko dio xede bererako beste dirulaguntza edo laguntzaren bat lortzen badu. Beste laguntza batzuk jaso dituela eta horien zenbatekoa zein den jakin ondoren, Udalak emango duen laguntzaren zenbatekoa zehazteko, jaso diren gainerako laguntzekin matrikularen kostuan zer defizit geratu den hartuko da kontuan.

HABEren mailaren bat gainditzen duten ikasleak HABEk urtero egiten duen dirulaguntza deialdira aurkeztuko dira. Arraia-Maeztuko Udalak ematen duen dirulaguntza HABEk ematen duenaren osagarri izango da.

8. Eskaerarekin batera aurkeztu beharreko agiriak: agiri hauek aurkeztu beharko dituzte eskatzaileek:

– Inprimaki ofiziala; udal bulegoetan eskuratu daiteke, eta hartan, helburu berarekin beste laguntzarik eskatu edo eskatuko den adierazi behar da.

– NANaren fotokopia.

– Dirulaguntza jaso aurretik, zerga betebeharrak eta Gizarte Segurantzarekikoak egunean daudela egiaztatzea.

– Arraia-Maeztuko Udalean ordainketak egunean izatea.

– Matrikularen egiaztagiria, euskaltegiak edo ikastegiak emana. Barnetegien kasuan, xehakatu egingo dira irakaskuntza, mantenu eta ostatu gastuak.

– Matrikula ordaindu dela egiaztatzen duen agiria, banketxeak emana.

– Eskolen ehuneko 80ra joan izanaren egiaztagiria, euskaltegiak emana, edo matrikulatuta egon den ikastaroa (edo ikastaroak) gainditu izana egiaztatzen duen agiria.

– Helburu bererako beste laguntzaren bat jaso bada, hura egiaztatzen duen agiria.

– Ez zaio dirulaguntzarik emango Arraia-Maeztuko udalerrian ikasteko aukera izan eta udalerritik kanpo ikasten duen ikasleari. Salbuespen gisa, arrazoiak azaltzen dituen idazkia aurkeztu daiteke eta aztertu egingo da.

Eskabidea aurkezteak esan nahi du oinarri hauetan ezarritako betekizunak onartzen direla.

9. Eskaerak aurkezteko epea: laguntza eskaerak eta agiriak 2022ko abenduaren 15a arte aurkeztu beharko dira, udal bulegoetan.

10. Deialdia, izapideak eta ebazpena: udalbatza da deialdia eta oinarriak onesteko organo eskuduna.

Euskara teknikariak egindako txostena aurkeztu ondoren, alkatetzaren dekretu bidez ebatziko dira eskaerak.

Ebazteko epea igaro eta eskabideari buruzko berariazko ebazpenik eman ez bada, eskaera ukatu egin dela esan nahiko du, nahiz eta geroago berariaz ebatzi ahal izango den.

11. Itzulketak: diru-laguntzei buruzko azaroaren 17ko 38/2003 Lege Orokorraren 36. eta 37. artikuluetan aurreikusitako guztiak izango dira itzultzeko arrazoiak.

12. Araudi osagarria: hurrengo da araudi osagarria: Diru-laguntzei buruzko azaroaren 17ko 38/2003 Lege Orokorraren azken xedapenetako lehenengoan eta 14. xedapen gehigarria; 7/1985 Legea, Toki-Araubidearen Oinarriak arautzen dituena; Esandako Diru-laguntzei buruzko azaroaren 17ko 38/2003 Lege Orokorraren araudia garatzen duen 887/2006 Errege Dekretua, uztailaren 21ekoa; eta Administrazio Publikoen Administrazio Prozedura Erkidearen urriaren 1eko 39/2015 Legea.

Guztiek jakin dezaten eta dagozkion ondorioak izan ditzan argitaratzen da.

Maeztu, 2022ko urriaren 13an

*Alkatea*

**ANARTZ GORROTXATEGI ELORRIAGA**